

Sarajevo, 03.03.2023. godine
Broj: I-039/23

Državo: Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primijeno: 06-03-2023			
Org. jed.	Broj	Priloga	Vrijednost

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI DOM**

- N/R GĐA. MIRJANA MARINKOVIĆ-LEPIĆ, PREDSJEDAVAJUĆA PREDSTAVNIČKOG DOMA PFBIH
- N/R GĐA. EDINA GABELA, POTPREDSJEDAVAJUĆA PREDSTAVNIČKOG DOMA PFBIH
- N/R GDIN. MLADEN BOŠKOVIĆ, POTPREDSJEDAVAJUĆI PREDSTAVNIČKOG DOMA PFBIH

PREDMET: Uvrštavanje zakona na dnevni red 2. redovne sjednice

Poštovani,

na stranici Predstavničkog doma Parlamenta FBiH objavljen je poziv i Dnevni red za 2. redovnu sjednicu Predstavničkog doma Parlamenta Federacije BiH koja je zakazana za srijedu, 15.03.2023. godine. Na predloženom Dnevnom redu, na žalost ne nalaze se Prijedlog Zakona o izmjeni i dopuni Zakona o doprinosima i Prijedlog Zakona o dopuni Zakona o porezu na dohodak (predlagači: Admir Čavalić i Irfan Durić).

Udruženje poslodavaca u FBiH i Savez samostalnih sindikata BiH još jednom žele skrenuti pažnju na značaj Prijedloga Zakona o izmjeni i dopuni Zakona o doprinosima i Prijedloga Zakona o dopuni Zakona o porezu na dohodak i na potrebu uvrštavanja istih na Dnevni red 2. redovne sjednice Predstavničkog doma Parlamenta Federacije BiH i na njihovo usvajanje.

Predloženi Zakoni su veoma korisni za cjelokupnu društvenu zajednicu i njihovo usvajanje omogućilo bi brzu reakciju u kojoj nijedan od socijalnih partnera (vlast, sindikati, poslodavci) ne bi pretrpio štetu nego bi svi imali direktnu i indirektnu korist. Usvajanjem predloženih izmjena i dopuna zakona zaposlenima u realnom sektoru kroz brza povećanja njihovih primanja, pomoglo bi se da lakše podnesu povećane troškove života i inflaciju, a istovremeno barem dijelom zaustavio bi se odlazak kvalifikovane radne snage iz BiH što je sve veći problem u čitavoj BiH.

Podsjećamo da smo bez opravdanih razloga izgubili dva mjeseca ove poslovne godine, a nismo stvorili uvjete za povećanje plaća radnicima, te se i dalje nastavlja trend nemotivisanosti i odlaska radnika iz naše države zbog niskih primanja i nestimulativnih

uslova rada. S druge strane, formiranje vlasti ide presporo i neizvjesno je kada bi moglo doći do nekih konkretnih i sistemskih mjera za poboljšanje poslovnog ambijenta i standarda radnika u našoj državi. Iz tog razloga smo i ponudili određena temporalna rješenja do usvajanja sistemskih propisa koji su u proceduri već skoro 7 godina ! Sve navedeno smo detaljno pojašnjavali predstavnicima izvršne i zakonodavne vlasti tokom prethodnih mjeseci.

Shodno navedenom, **još jednom Vas molimo da uvrstite Prijedlog Zakona o izmjeni i dopuni Zakona o doprinosima i Prijedlog Zakona o dopuni Zakona o porezu na dohodak na Dnevni red 2. redovne sjednice Predstavničkog doma Parlamenta Federacije BiH i podsjećamo da su svi materijali blagovremeno još krajem prošle kalendarske godine dostavljeni u redovnu parlamentarnu proceduru.**

S poštovanjem,

Udruženje poslodavaca u FBiH

Mario Nenadić, direktor



Savez samostalnih sindikata BiH

Samir Kurtović, v.d. predsjednik

